


荊州府志

地.260.125
102.24
:1016



荊州府志序



上古無分野之書而八寅八統
諸說又荒誕不經禹平水土鑄
九州於鼎厥後職方氏獻圖太
史採風大司徒歲終上生齒之
版所以重封疆厚邦本也志之

作亦猶是乎我

皇上統一寓內海隅日出罔不率俾
猷雉裳貢葵矢者歲且重譯而
至聲教所訖遠邁千古若夫省
方問俗過江南黜浮崇雅臨闕
里尊師重道廉吏之子特廕以

官

輦過之郊同免其租隨地走陽春
之脚矣猶慮九有之風俗異尙
人心異宜方物之貢賦或以險
遠貽累忠孝之旌揚或以幽隱
弗彰舉凡轉移化導思艱圖寧
桑土綢繆之至意統寓於修志
之中

令頒中外甚盛典哉臣茂泰脩員儀
曹出守荊郡甫任事荆志將告
厥成仍得颺言簡端者臣職也
夫荆爲全楚襟喉群山萬壑方

城漢水之險西控巴蜀東連吳
會踞上游而達洞庭重郡也惟
楚多才名賢接踵而倚楠杞梓
蘭芷江離是多嘉產倘擬不以
倫擇不精語不詳豈臣等所敢
出乎是集也實而核文而不支

無俟過荆門而山川人物南風
之雄如在目前矣然而臣猶有
進焉昔鄒書論諸侯之寶曰土
地人民政事三者寔相因也政
事修而後人民和人民和而後
土地綏則催科撫字強教悅安

厚風俗正人心均貢賦旌忠孝
以成荆南無形之金湯以仰副
我

皇上纂修之至意若是者臣勉之臣
願與有事茲土者共勉之臣謹

序

峕

康熙二十四年歲在乙丑仲冬月

穀旦

賜進士第荊州府知府臣郭茂泰謹

撰

荊州府志序

夫郡之有志亦猶國之有史也
史以褒貶爲事有善必書有過
必書凡運會升降之道人材消
長之機以至禮樂兵刑人民風
俗莫不載之於史以垂後所以

示勸懲也若夫陵谷之變遷井
里之沿革幽人碩士所在多有
往往史不盡書遂致湮沒而不
彰者何可勝道使非有志以載
之又何以信後而傳遠也哉然
則志者所以輔史之不逮者也

我

皇上神明天縱稽古右文於六經百家之書靡不洞悉而表彰之矣
乃因明代之史

特命儒臣纂輯成書以昭示於天下
又復

頒行郡國編次通志以備採風猗
歟休哉一道同風之盛直媲美
於唐虞矣竊荆郡介在南服控
江漢之上游爲巴蜀之門戶前
接蒼梧後枕襄鄧古所稱方城
漢水天下之雄圖也自熊繹啓

疆以來世多賢者是以聲名文物之盛甲於中原武侯所謂用武之國而子瞻則以爲人才之秀風俗之美有屈宋伍禰之遺者良非虛語耳願圖經風土郡邑各有所紀要以郡志爲斷而荆志之未修者百年矣今者恭逢

大典探奇而闡幽者無遠弗届使記載逸文故老傳說莫不兼搜並擷彙歸體要用昭

聖朝大一統之弘模

臣廷策得以備

員側名於守土者之後懽忭舞
蹈而賡歌其盛誠億萬年悠久
無疆之慶也

臣謹序

峇

康熙二十四年歲在乙丑季秋月

穀旦荊州府清軍同知

臣

陳廷

策謹撰

荊州府志序

志者史中之一體耳擬於史則小矣臣恩遠以官樊陵知州於八月奉檄視篆荊州府事恭逢大典徵修郡志甚盛事也而謬附輿言於簡端竊懼其涉於大言則

何敢遠引內史外史遷固諸家之說以妄文其淺陋謹擬臣所見而質言之江自秭歸而下虎牙屹崕荆門闕竦舟如建瓴而不迫於湍瀨而容美施建諸險要抱絡龍城控制爲難至於梅

子入關峯犁佃石民鮮蓋藏爨
陵爲荆襄門戶吞灩澦瞿塘而
結轂其口江自此稍漫爲平流
而市無百貨之列竈廩匱曰無
異位圉郡屬山國類多瘠土而
東南之夾江爲邑濱湖爲廬者

又皆倚隄爲命史記所謂無千
金之家大抵然也書曰荆及衡
陽惟荊州三楚疆域皆可以荆
概之而一郡不可以概三楚在
荆言荆其山川之何以異氣建
置之何以異制政教之何以異

安習俗之何以異尙以至人物
盛衰之由水旱豐耗之故生是
里而官是邦處其常而罹其變
者遐稽近搜是亦考鏡得失之
林也顧明萬曆甲午而後郡志
失修者已近百季事多闕如竊

惟荆民自

國初定鼎驅除克殘出之湯火乃

得生齒日繁鱗次版圖我

皇上文武聖神赫濯聲靈殄滅亂賊
無遺育普天率土嘉祉翔洽荆
州奉

禁旅駐鎮帶礪磐石士習詩書之
澤農安耕鑿之恒樵於山者無
蠻嶠夜月之驚渙於水者惟長
堤安瀾之祝協和萬邦於變皆
雍何以加焉今者欽遵

俞命采方言以登

天府謹延臣在恪等入局授簡
跽勉編輯葑菲芻蕘實無可採
伏遇我

皇上學邁軒羲功弘覆載一道同風
飛潛動植罔不咸若臣恩遠得
以州郡小臣仰瞻

荊州府志序

自古帝王膺圖受籙合九有以
共奉一尊其勢至遠以濶也而
不下堂階周知無遺則邦國四
方之志並備掌故者職方氏以
至班馬諸儒網羅舊聞粲然具
矣我

皇上聰明天縱廣運誕敷湛恩汪濊
漸被暨訖光六合而彌八紘稽
帝文而踵遐武於斯爲盛乃自
經史而外

命纂修

本朝會典一統志書仰呈

乙夜之覽觀

臣

澤溪備員巡上荆南

道爰得以觀風問俗採三郡之
方聞進登

天府此亦宣導

上德歌咏昇平之一端也粵稽禹敷

九州荊州之域北距荆山南盡
衡山之陽而廣輪延袤衝巫峽
以湍迅會沱潛之既道夢比雲
南介於荆郡者稱楚上游而籠
節虎節岳峙川流鄉殊俗異立
政修教以劑量乎剛柔盛衰之

迄者紀載以來未易臚列顧明
萬曆甲午後志書閣筆比比皆
然

皇清康熙二十有三年湖廣通志告
成而一郡之志應倍詳於通省
庶如潁川之某所基亭渤海之

一對一畦得從經圖集記以驗
吏治風土斯爲善矣修此書者
必博綜慎覈體例各當刪其繁
蕪補其闕漏而後按籍披圖炳
然可考臣以固陋之才未能仰
佐

國書竊覩

光天之下至於海隅蒼生仰瞻我

皇上文思濬哲

天章宸翰高駕羲軒遠軼謨訓生民

以來未之有也三事大夫莫不

夙夜副

聖主之旁求而江萍砥石敢藉以列

芻蕘亦謂氣運旣隆則山川愈

增其勝民物愈增其茂風俗愈

增其淳人文愈增其盛而臣得

適觀厥成揚圻美善佐信史而

贊